

8-20 五柳先生傳 陶淵明

建議 對應 基本 學習 內容 條目	句段	(聆聽)	聽出敘事性段落的重要訊息(順序、重點、主旨)。
		(閱讀)	根據句義理解段落的主旨。 利用標點符號(分號、破折號、夾注號)，理解段落的涵義。
	篇章	(閱讀)	讀懂簡易的句型結構。 概略理解淺近文言文的篇章大意。 理解篇章的條理結構。
		(寫作)	依據主題，選擇適當的寫作材料，完成三段式的文章。

文本內容：

先生不知何許人也，亦不詳其姓字。宅邊有五柳樹，因以為號焉。

閑靜少言，不慕榮利。好讀書，不求甚解，每有會意，便欣然忘食。性嗜酒，家貧，不能常得。親舊知其如此，或置酒而招之。造飲輒盡，期在必醉，既醉而退，曾不吝情去留。環堵蕭然，不蔽風日；短褐穿結，簞瓢屢空。——晏如也。常著文章自娛，頗示己志。忘懷得失，以此自終。

贊曰：黔婁之妻有言：「不戚戚於貧賤，不汲汲於富貴。」極其言，茲若人之儔乎？酣觴賦詩，以樂其志。無懷氏之民歟！葛天氏之民歟！

